



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Capitularia Regvm Francorvm**

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

VI. Emunitas Regia.

**urn:nbn:de:hbz:466:1-22974**

# FORMVLÆ LINDENBROGII.

S I V E

Altera editio formularum Marculfii à Friderico  
Lindenbrogio in publicum emissa.

INCIPIVNT EXEMPLARIA DE DIVERSIS  
conditionibus, qualiter regales vel cartaæ pagenses aut  
senicaæ, quas hæc formula continet, scribantur.

*De episcopatu.*

I. **L**le Rex viro apostolico illi Episco-  
po. Quamlibet nos &c. *ut suprà*  
*pag. 378.*

*Indiculus Regis ad Episcopum ut alium  
benedicat.*

II. Domino sancto sede apostolicae dignitatis colendo in Christo patri illi Episcopo illi Rex. Credimus jam &c. *ut suprà pag. 379.*

*Concessio civium pro episcopatu.*

III. Suggestio piissimo ac præcellentissimo Domino illi. Regi &c. *ut suprà pag. 379.*

*Carta de episcopatu.*

IV. Dum iuxta Apostoli dictum omnis potestas sublimatur à Domino, & quatenus post Deum in regia manet potestate qualiter cuncta terrena debeant gubernari. Vnde oportet nos salubri consilio retraictare ut illi in locis sanctorum instituantur custodes qui dignè ad ipsum officium gubernandum apparere noscuntur. Igitur dum & vestra & cleri vel pagensium civitatis illius adfuit petitio ut relieta urbe illa, quam priùs regere & gubernare videbamus, in supra scripta urbe illa cathedralm pontificalem suscipere deberetis, & dum vos apud animos nostros & actio commendat probata, & nobilitatis ordo sublimat, ac morum probitas vel mansuetudo & prudenter honestas exornat, cum consilio & voluntate Pontificum procerumque nostrorum, juxta voluntatem & consensum cleri & plebium ipsius civitatis, in supr-

dicta urbe illa pontificalem in Dei nomine vobis commisimus dignitatem. Propterea per præsentem præceptum decernimus ac jubemus ut supradicta urbs vel res Ecclesiæ ipsius & clerici sub vestro arbitrio & gubernatione consistant, & erga regimen nostrum semper fidem inlibatam cultodore debeatis, & juxta canonicam institutionem plebem vobis commissam assiduis prædicationum sermonibus expolire, & non minus pietate quam severitate constringere studeatis, & curam pauperum vel necessitatem patientem cum ingenti cura & dilectione procuretis, ut adquisita multiplicatâque gregis vestri salute, ad ovile dominicum nullis maculis sordidatum valeatis præsentare, quatenus dum Ecclesiam vobis dispensatione divina commissam strenue regere atque gubernare videamini, vobis apud aeternum retributorem mercedum suffragia largiantur, & vos immensus Christum pro nostrorum mole peccaminum assidue exorare debatis.

*Carta de magna re, qui vult xenodochium  
aut monasterium construere.*

V. Domino verè sancto &c. *ut suprà pag. 399.*

*Emunitas Regia.*

VI. Maximum regni nostri augere credimus munimentum si beneficia opportuna locis Ecclesiæ benevolæ deliberatione concedimus, ac Domino protegentे stabiliter perdurare conscribimus. Noverit igitur follertia vestra nos ad petitio- nem apostolici viri Domini illi. illius urbis

Episcopi tale pro æterna retributione beneficium indulſſe ut in villis Ecclesiae Domini ill. quas moderno tempore aut nostro aut cuiuslibet munere habere videtur, vel qua deinceps in jure ipsius sancti loci voluerit divina pietas ampliare, nullus iudex publicus ad causas audiendas aut fredam undique exigendam ullo unquam tempore præfumatur ingredi; sed hoc ipse Pontifex vel successores ejus propter nomen Domini sub integra emunitate omnino valeant dominari. Statuentes ergo jubemus ut neque vos neque juniores vestri aut successores nec ulla publica judicia potestas quoquo tempore in villas ubique in regno nostro ipsi Ecclesiae aut regia aut privatorum largitate conlatas, aut qua in ante fuerint conlatura, ad audiendum altercationes ingredi, aut fredam de qualibet causa exigere, vel maniones aut paratas vel fidejussiones tollere præsumatis; sed quicquid exinde exigere, aut de fervientibus ceterisque nationibus qua sunt infra agros vel fines seu supra terras prædictæ Ecclesiae commandantes, fiscus aut de freda aut undecunque potuerat sperare, ex nostra hac indulgentia pro futura salute in luminaribus ipsius Ecclesiae per manus agentium corum proficiat in perpetuum. Et quod nos propter nomen Domini & animæ nostræ remedium seu pro nostra subsequente progenie plena devotione indulſimus, nec regalis sublimitas nec cuiuslibet iudicium seu cupiditas refragare tentet. Et ut præfens auctoritas tam præsenti quam futuris temporibus inviolata Deo adjutore permaneat, manus nostræ subscriptionibus infra roborare decrevimus.

*Confirmatio de emunitate.*

VII. Ille Rex Francorum vir inlustris, Quotiescumque petitionem sacerdotum vel ancillarum Dei ad effectum perducimus, regiam consuetudinem exercemus, & nobis ad mercedem vel ad stabilitatem regni nostri in Dei nomine pertinere confidimus. Ideoque Dominis viris sanctis ac venerabilibus apostolicis in Christo patribus omnibus Episcopis, vel omnibus Abbatibus, seu inlustribus atque magnificis viris Ducibus, Comitibus, Vicariis, Centenariis, vel omnibus Valsis nostris, vel omnibus Missis nostris discurrentibus. Cognoscatis quod inlustris Abbas ille de monasterio illo in pago illo, in loco qui dicitur ill. in honorem sancti ill. constructo, una cum monachis vel Dei ancillis ad laudem Chri-

sti canendum sub religionis norma converfantibus, clementia regni nostri suggestio nem intulit eò quod glorioſus Dominus & genitor noster ill. quondam Rex per suam præceptionem sua manu roboratam talem emunitatem ad ipsam casam Dei sancti ill. vel monasterij ill. vel ipsi Abbatii habuisse concessam atque indultam ut nullus iudex publicus vel quislibet judicia potestate accinctus in cortes vel villas ipsius monasterij nullum debuisse habere introitum, nec ad causas audiendas, nec ad fredam exigendam, nec fidejussiones tollendos, nec maniones aut paradas requirendas, nec illas retributions exactandas; quod fiscus noster exinde habere poterit, nullatenus exactetur, nec requiratur. Vnde & confirmationes anteriorum Regum parentum nostrorum nobis in præsente protulit relegendas; petisque celititudinem nostram ut circa ipsum monasterium nostra hæc deberet auctoritas generaliter confirmare. Quod nos beneficium gratanti animo pro mercedis nostræ augmento non soldum confirmantes, sed etiam novum sub emunitati nomine concedentes, per hoc præceptum specialius decernimus atque omnino jubemus, quod in perpetuum absque illis obstaculis & refragationibus volumus esse mansurum, ut absque introitum Episcopi aut Archidiaconi ad orationem aut prædicationem lucrandam nullus iudex publicus in curtes vel villas ipsius monasterij ullum debut habere ingressum, nec ad causas audiendas, nec fredam exigendam, nec fidejussiones tollendos, nec maniones aut paradas requirendas, nec illas retributions exactandas; quod fiscus noster exinde habere poterit, nullatenus exactetur nec requiratur. Nisi, ut diximus, pro mercedis nostræ augmento, si cut ab antecessoribus Regibus parentibus nostris, seu & domino glorioſo genitore nostro ill. quondam Rege moderno tempore fuit concessum atque indulatum, ita nostris oraculis plenius confirmamus, quod in perpetuum volumus esse mansurum. Et ut hæc præceptio firmior habeatur, & per tempora melius conservetur, manus nostræ signaculis subter eam decrevimus roborare, & annulo nostro subter sigillavimus.

*Confirmatio de omni corpore facultatis monasterij.*

VIII. Ille Rex illi Patrio atque omnibus agentibus. Rectum esse censemus &c, ut suprà pag. 393.